

d' Riada

Rudenkirtag Sierning Faschingdienstag 5.3.2019



<p>Griäß eich Gott sågn de Riada za eich liabe Leit van Kirta. Do oan miaß ma - extra nenna in Forsthof Wirt tats eh kenna. Er håt Geburtståg so a Freid 50ig Jåhr is a heit, tats in Reini gratuliern jeda wird a Stampal kriagn.</p>	<p>Im Forsthof då geht ´s um a Wechsl rund uma dum. A neicha Koch håb ma ghört kocht ståt ´n Reini hiazt am Herd. an Sommelier - für ´n Wein stöllt de junge Chefin ein Und im Schläfzimma im Bett na des wiss ma wirkli net.</p>
<p>Des Weihnachtskonzert va da Helene Fischer wår wunderbår des is sicher. Für ihre Gala nächstes Jåhr will ´s wås neichs wirklich wåhr. An Rudntånz mit Gesång sowås suachat sie schon lång, nimm d´ Leinbaun sång ma heint de san s´ Weiba-singa gwöhnt.</p>	<p>A Auto mit Mercedes Stern fåhrt d´ Sturl Christi richtig gern vü PS und Ledersitze find de Christi oafåch spitze do ban ausparken gånz flott fåhrts den Wågn fåst zu schrott trotz Einpark-hüfe und Sensorn fürs Autofåhnr is net geborn</p>
<p>A Mineral Zitrone gibt es nicht im Hoizhaus 1 håbm d´ Leit bericht Im Kåmmerwirtshaus gibt ´s nur såchn de in unsrer Gegend wåchsn do wånnst dir a Schnitzl kaufst is d´ Zitrone wieder drauf de kånnt dån in dei Wåsser schmeißn so tuat de Kåmmer d´ Baun bescheißn</p>	<p>A neichs Gemeindeåmt håt Siagn des håt wås kost mia tan net liagn Alles neu alles modern da Burgermoaster håt des gern Eah Sitzungssåål is gånz aus Glas siacht jeder eini so a Schaß Hiazt hoasts benehma koane fråtzn koa Nånbohrn koa Eier kråtzn</p>
<p>Da Eibö Kårl håt sei Moar hintern Haus ban Stådtår baut a Mauer richtung Osten mit neiche ådl-runsen pfosten koana woab für wås des is er wird plem plem des is gwiss d´ Nåchbarn tan scho recht bled schau wü wia da Trump a Mauer baun</p>	<p>Wånn wo zwickt und weh tuat wird´s min Bluategel schnö guat da Dauna Sepp måcht des a wei mit sein Knie geht´s recht schwa do da sepp håt si vatån da Egel saugt wo ånders ån des Bluat is weg so a gscher hiazt steht sei seppi nimmer mehr</p>
<p>Da Fischereeder Franz vom Bulla kån erzöhn a Gschicht van Drescher überstölln wie er ban Båhnübergång steht geht da Schrånka zua saubled muaß va de Schienen wega schleini haut in Rückwårtsgång schnö eini Drescher eindetscht Schrånkn hin im Overall a Patzal drin</p>	<p>Wås is los mit de junga Sianga Baun tan de wirkli so bled schau Da Eisnhuaba Bua recht grissn hå in Traktor zwoa mål gschmissn Da Blånk Edi sunst net stad hå Strommåstn nieder gmaht Min Traktor sans heit net då då san ma ålle richtig froh</p>
<p>1,4 Promille oh leck und da Führerschein is weck. In Lehner Sigi is passiert hå d´ Polizei in Schein kassiert. A ban Schnaxln håt ma g´ hört håts eam öfta schon mallört, aus is min Sex Terminator d´ Sianga Fraun håm hiazt Vibrator</p>	<p>Hiazt dånk ma eich recht schen Pfiat eng Gott mia miaßn gehn Weil mia pfeiffn hiazt auf ´s singa Und gehngan wås tringa Sat ´s nu lustig und fidö Hoam geht ´s heit nu net so schnö Eich håt ´s sicha recht g´ fälln Drum kinnt ´s uns an Lita zåhln</p>